

ՀԱՐՈՒԹՅՈՒՆ-ՄԱՐՏԻՐՈՍ ՊՈՅԱՃՅԱՆ (ԺԻՐԱՅՐ)

Հ. Մ. ՊՈՂՈՍՅԱՆ

1894 թ. մարտի 24-ին Թուրքիայի Անկուրիայի վիլայեթի վարչական կենտրոն Յոզղատ գյուղաքաղաքի Սահաթհանե հրապարակը լի էր գյուղաքաղաքի և շրջակա գյուղերի բնակիչներով, զինվորականներով ու ոստիկաններով։ Հրապարակում երևում էր Մարտիրոս-Հարություն Պոյաճյանին (Ժիրայր) կախելու համար նոր պատրաստված կախաղանը¹։ Թուրքական ոստիկանությունն ինքը չէր, որ ձեռք էր գցել լատապարտյալին։ Մինչ այդ, ոստիկանությունը բանտարկել էր տեղի 850 մտավորականների, արհեստավորների, առևտրականների, գյուղացիների և նետել զնդանները։ Բանտերում սկսվեցին այդ անմեղ մարդկանց շտեմնված խոշտանգումները։ Թուրքական բռնակալության դեմ պայքարի ելած անորսալի ժիրայրը տեսնելով, որ պատճառ է դառնում հարյուրավոր անմեղ մարդկանց ու նրանց ընտանիքների տառապանքին, որոշեց լեռներից իջնել Թերզիլի գյուղ և հանձնվել իշխանություններին։

Յոզղատը կառուցված էր մի ընդարձակ ձորի երկու լանջերի վրա։ Նրա բնակիչների կեսը՝ մոտ 10 հազարը, հայ էին։ Այդ գավառում կար 42 հայկական գյուղ։ Յոզղատում XIX դ. վերջերին կար երեք հայկական դպրոց՝ 832 աշակերտներով²։

16 օր տևած դատավարության ժամանակ ժիրայրն իր ելույթներում դատապարտեց օսմանյան դատան ռեժիմը և ցույց տվեց, որ Թուրքական անատոլյան լծի տակ տանջվում են ոչ միայն հայերը և մնացած քրիստոնյա ժողովուրդները, այլև միլիոնավոր մահմեդականներ։ Դատարանում ժիրայրը հայտարարեց. «Մեր դատը՝ դատն է այս երկրին, ժողովրդին ու հայրենիքին ավերումը փութացնող վարչաձևին փոփոխման։ Միլիոնավոր իսլամ և քրիստոնյա անմեղներ կը տառապին անարդար օրենքներու տակ։ Մեր նպատակն է ազատել անհատի հոգին և ստացվածքը կեղեքումի և հարձակումի։ Դատարաններու մեջ եղած անարդարությունը և կաշառակերությունը խեղճ ժողովուրդը ենթարկած է թշվառության և ստրկության»³։

Ժիրայրի և նրա համախոհների (որոնց մեջ կային այլ ազգերի ներկայացուցիչներ) նպատակն էր բարելավել ոչ միայն հայերի, այլև ամբողջ ժողովրդի, սոցիալ-քաղաքական վիճակը։ Հայ քահանային, որը գնացել էր ժիրայրի մոտ կրոնական վերջին արարողությունը կատարելու, ժիրայրն ասել էր. «Տեր հայր, ազգիս դավակներուն ըսեք՝ ինձի համար թող չտրբամին. առանց երկյուղի՝ սրբազան գործի առաջացումին թող աշխատին։ Ես ազգիս և հայրենիքիս հանդեպ ունեցած պարտքս կատարեցի։ Խիղճս հանգիստ է. ժողովրդիս սրտին մեջ ազատության, եղբայրության և հավասարության սերմերը ցանցի։ Ուշ կամ կանուխ՝ անոնց պտուղը պիտի տեսնվի և այն ատեն արդարությունն ու ճշմարտությունը հայտնվելով՝ ինձի պես զոհերը վարձատրված պիտի ըլլան»⁴։

Մահապատժից առաջ նրան հարց են տալիս, թե ցանկանում է որևէ բան ասել։ Ժիրայրը պատասխանում է, որ ուզում է ելույթ ունենալ և հրապար-

¹ Հ. Պոլոսյան, Հաճընի ընդհանուր պատմությունը և շրջակա Գողան-Տաղի հայ գյուղերը, Լոս Անճելես, 1942, էջ 546։

² Ս. էփրեկյան, Պատկերազարդ բնաշխարհիկ բառարան, գիրք Ա, Վենետիկ, 1902, էջ 719։

³ Պատմություն Ս. Դ. հնչակյան կուսակցության, հ. Ա., Պեյրուք, 1962, էջ 103։

⁴ Նույն տեղում։

րակում հավաքված լուռ ու մտամոլոր ամբոխի ներկայութեամբ սկսում է տիրող կարգերի անխնա քննադատութիւնն ու մերկացումը: Թուրքական աստիճանավորները նրա վերջին խոսքը խանգարելու նպատակով նվազամբին կարգադրում են նվազել: Չնայած դրան, Ժիրայրը շարունակում է իր ճառը: Ծառի ավարտից հետո Ժիրայրն ինքն է իր պարանոցին հագցնում օղակը, ապա ոտքով հրում է աթոռը և կախվում: Առավոտյան նրա դին տանում են դեպի հայկական եկեղեցի, սակայն առաջնորդը մերժում է ընդունել: Մարմինը տանում են բողոքականների գերեզմանատուն և նրանից 20—30 քայլ հեռավորութեան վրա հանձնում հողին: Որոշ ժամանակ անց Ժիրայրի դին փոխադրվում է նրա ընկերներից մեկի բակը, իսկ երբ այդ ընկերը մեկնում է Ամերիկա, տարվում է մի ուրիշ ընկերոջ բակ: 1908 թ., երբ Թուրքիայում տեղի ունեցավ երիտթուրքերի հեղաշրջումը, Ժիրայրի աճյունը հանդիսավոր կերպով հանվում է հողից, տարվում հայկական եկեղեցու բակն ու թաղվում այնտեղ:

Այժմ համառոտակի Ժիրայրի կյանքի և գործունեութեան մասին: Կիլիկիայի հայկական լեռնային Հաճըն քաղաքի բնակիչ Հակոբի և նրա կին Սառայի ընտանիքի ծնունդ էին Հարություն-Մարտիրոս Պոյաճյանը (1856 թ.) և Համբարձում Պոյաճյանը (Մեծ Մուրադ կամ Սասունի Մուրադ): Վերջինս գլխավորեց 1894 թ. Սասունի հերոսական ինքնապաշտպանութիւնը, որի ավարտից հետո ստացավ 101 տարի բանտարկութիւն և 14 տարի բանտում նստելուց հետո, 1908 թ. դարձավ օսմանյան պառլամենտի անդամ, իսկ 1915 թ. կախաղան հանվեց: Մուրադի մասին է հորինվել «Պարզիր աղբյուր» երգը, որը ժողովրդի կողմից երգվում է նաև մեր օրերում: Ընտանիքի երրորդ երեխան Պոյաճյան Հայկանուշն էր, որը նույնպես մխրճվեց օսմանյան տիրապետութեան դեմ պայքարի ոլորտը: Հայկական այս ընտանիքն իրավացիորեն համարվել է ռադիկալիստական, ազատական և մարդկության երջանկութեան համար պայքարողներու, անձնագոհներու բույն... հերոսներու գերդաստան»⁵:

Ժիրայրն իր կարճ և բովանդակալից կյանքի ընթացքում կոչվել է բազմաթիվ անուններով. Երզնկայի մեջ՝ Շահեն խուտուլյան, Բինկյանում՝ Տիար, Տիվրիկում՝ Վասակունի, Կեսարիայում՝ Հազարաշահ և Մորուք, Գալուստ և այլն: Սկզբնական կրթութիւնը ստացել է ծննդավայրի Վարդանյան դպրոցում, որը բացվել էր Կոստանդնուպոլսում ստեղծված Վարդանյան ընկերութեան ջանքերով: Դպրոցը, որի առաջին տնօրենն էր Միհրան Սվաճյանը, աշակերտներին տալիս էր ձրի դպրոցական պիտույքներ և դասագրքեր: Այն երկսեռ էր և ուսուցումը տարվում էր նոր մեթոդներով ու աշխարհաբար լեզվով: 1872 թ. Ժիրայրը 3 տարվա ուսումնառութիւնից հետո դպրոցն ավարտում է և մեկնում Կոստանդնուպոլիս, ուր երկու տարի սովորելուց հետո վերադառնում է հայրենի Հաճըն և աշխատում Վարդանյան դպրոցում, որպես ուսուցիչ: Հայրենի գյուղաքաղաքի դպրոցում Ժիրայրը ստեղծում է մի կազմակերպութիւն, որի անդամները պետք է լինեին խիստ գաղտնապահ և ստորագրեին հետևյալ երդմնագիրը. «Ազգիս փրկութեան համար կամավոր զինվոր գրվեցա և ի հարկին կյանքս զոհելու պարտական եմ»⁶:

Որոշ ժամանակ անց նա նորից Կոստանդնուպոլսում էր, ապա հոն երթալին հետո երկարատեւ կաներևութեան, և տարիներ հետո երևան կուգա, որ Կ. Պոլսեն Ռուսիա անցած և հոն 14 տարիներ ապրելով վարակված է հեղափոխական գաղափարներով⁷: Վերլուծենք վերը բերված քաղվածքը: Ինչպես ասվեց, նա առաջին անգամ Կոստանդնուպոլիս է մեկնել 16 տարեկան հասակում՝ 1872 թ., երկու տարի այնտեղ ուսանելուց հետո՝ 1874 թ. վերա-

5 Ս ի ր վ ա ռ դ, Մեծն Մուրադ (Համբարձում Պոյաճյան) կյանքն ու գործունեութիւնը, Փրավիտենս, 1955, էջ 13:

6 Զ. Պ ո ղ ո ս յ ա ն, նշվ. աշխ., էջ 544:

7 Նույն տեղում:

սկսում է նախապատրաստել ընդդեմ հարստահարողների: Նրա քարոզները հայ գյուղացիներից անցնում են նրանց ռախտակից թուրքերուն վրա»¹³:

Հետաքրքրական են Սինճան գյուղի դեպքերը: Գյուղում ապրում էին 35 տուն հայեր և 40 տուն թուրքեր: Գյուղը պատկանում էր կալվածատեր Օսման բեյին, որին Ժիրայրը սկսում է համոզել, որպեսզի թեթևացնի աշխատավոր հայերի և թուրքերի հարկերը, սակայն կալվածատերը մնում է անհողդողդ: Ժիրայրի դրամաժ հայ և թուրք գյուղացիները միանալով բեյին են ներկայացնում իրենց պահանջները: Իմանալով այդ մասին, Սինճանի գյուղացիներին են միանում շրջակա 7 գյուղերի հայ և թուրք բնակիչները: Վախեցած կալվածատերը դիմում է կառավարությանը, սակայն գյուղ եկած զինվորական ուժերը տեսնելով «երկու ժողովուրդներուն համերաշխություն կընկճին և չեն կրնար որոշում մը առնել»¹⁴:

Սինճանից Ժիրայրը անցնում է Տեորթ Յուլ, որտեղ իր քրոջ՝ Հայկանուշի հետ զբաղվում է ուսուցչությամբ: Որոշ ժամանակ անց նա տեղափոխվում է Յողղատի գավառի Թերզիլի, Պուրուն Քշլա, Քելեր և այլ գյուղեր: Ապա հաստատվում է Չոմաք դաղի անառիկ Փյոհրենկ գյուղում: Ժիրայրը այդ գյուղերի բնակիչներին մղում է դեպի ինքնապաշտպանություն: Փյոհրենկում նա ծանոթանում է թաթ Աբդուլլահի հետ և նրան հաղորդակցում իր գաղափարներին: Նրանք այնքան են մտերմանում, որ Աբդուլլահն իր բնակարանը տրամադրում է Ժիրայրին՝ որպես թաքստոց: Նրան է հետևում թաթերի շեյխ Հաճի Պեկիշը¹⁵:

Այդ ժամանակաշրջանում Փոքր Ասիայի հայաբնակ վայրերում գործում էր Նան Արամ Աշրգաշյանը, որի և Ժիրայրի հանդիպումը տեղի է ունենում Սև ծովի ափին գտնվող Օրտու նավահանգստային քաղաքում: Այստեղ Ժիրայրը և Արամը հանդիպում են թուրք Շյուքրիի և քուրդ Սլոյի հետ, որոնք Կոստանդնուպոլսի զինվորական դպրոցի սաներ էին: Սլոյն Ժիրայրին ասել է. «Միակ տարբերությունը իմ կարծիքով, հայ ժողովուրդին և թուրք ու քուրդ ժողովուրդներուն այն է, որ վերջիններու ազգային գոյությունը վտանգված չէ, բայց անոնք ալ հոգեպես, մտավորապես և տնտեսապես գերի են մեծ և փոքր կալվածատերերու և վաշխառուներու»¹⁶:

Իր պրոպագանդիստական աշխատանքների ժամանակ Ժիրայրը հաճախ էր ասում իր համայնոհներին. «Մեր երկրին մեջ տիրող ուժիմը մահացու վտանգ մըն է անոր մեջ ապրող ազգերու հավասարապես: Հայ, թուրք և քուրդ հասարակ ժողովուրդը կը տառապի իշխողներու կրոնկին տակ: Պետք է գիտակցության բերել ժողովուրդը»¹⁷: Միաժամանակ Ժիրայրը հայերին հորդորում էր, որ յուրաքանչյուր ոք պետք է «սիրե հայերենը, մանավանդ իմաստասիրե մեր ազգային անցյալ և ներկա պատմությունը. այն ատեն պիտի համոզվիս, թե հայը աշխարհի համար ապրած է և հավիտյան իրավունք ունի»¹⁸: Ամենուր, որտեղ եղել է Ժիրայրը, իրեն հարող երիտասարդներին տվել է հետևյալ երդմնագիրը. «Առաջի Աստծո և սեղանոյս ամենայն անկեղծությամբ կերդնումք Հայկական Հեղափոխական միության նպատակին ծառայել, մեր գիտակցության տակ ինկած ամեն ինչ մինչև ի գերեզման գաղտնի պահել և միության կեդրոնական մարմինն մեզ հրամայված բոլոր հրամանները տառապես և վայրկենապես գործադրել, եթե անոնք ըլլան անձնազոհություն իսկ. անձնուրաց եմք և վասն ազատության բռնապետական ժա-

13 Պատմություն Ս. Դ. հնչակյան կուսակցության, հ. Ա, էջ 98:

14 Նույն տեղում, էջ 99:

15 Նույն տեղում, էջ 100:

16 Ս ի ղ ա Ր դ, Արամ Աշրգաշյան, Փրավիտենս, 1937, էջ 70:

17 Նույն տեղում, էջ 71:

18 Ս ի ղ ա Ր դ, Խորհրդավոր հեղափոխականը..., էջ 3:

ներքին, մեր արյան մինչև վերջին կաթիլը այս սուրբ գործին տրամադրած հմք. Աստված գուն տուր մեզի կարողություն և օգնական մեզ լեր»¹⁹:

Շուտով Ժիրայրի նկատմամբ կառավարության հալածանքներն ուժեղանում են և նա ստիպված անցնում է Պողոզի շրջան ու գործում Հաղարաշահ անունով, 1892 թ. Փոքր Ասիայի 82 քաղաքներում փակցվեցին Թուրքիայի պատմության մեջ առաջին թուլցիկները, որոնք խմբագրված էին Ժիրայրի և Հակոբ Պահլավունու կողմից: Դրանցից մեկի մեջ ասված է. «Օսմանցիներ, հասած են վերջին օրերը բռնակալ Աբդուլ Համիդի, որ անպատված է իսլամական անունը և կեղտոտած՝ օսմանի նվիրական գահը: Այդ բռնակալը հափշտակած է կայսրությունը և ավերած է մեր սիրելի հայրենիքը և ինքզինք կառավարության գլուխ պահելու համար՝ կը հոսեցնեն ամենալավ հայրենասերներու մաքուր արյունը: Այդ անիրավ գործերուն համար վրեժխնդրության ձայնը մինչև երկինք բարձրացած է: Դործելու ժամը հասել է: Իսլամի միլիոնավոր հավատարիմները, որոնք ազատ կերպով և հառաջդիմելով կապրին, ուրիշ ուժեղ կառավարության մը ձեռքին տակ, մեզի օգնության կուգան»²⁰:

Քաջ հղեք»²⁰:

Մեր կարծիքով ուրիշ ուժեղ կառավարություն ասելով Ժիրայրն անպայման ի նկատի է ունեցել Ռուսաստանը, որտեղ անցել էին նրա կյանքի մեծ տարիները:

Հայտնի է, որ Կիլիկիայի հայկական թագավորության անկումից հետո բնակչության մի մասը բարձրացավ դեպի Զեյթունի ու Հաճընի լեռները և հարատևեց այնտեղ: Ժողովրդի մի փոքրիկ հատված թողնելով հայրենի Կիլիկիան, բնակություն հաստատեց Սեբաստիայից դեպի արևմուտք ընկած մի ձորի մեջ, որտեղ շատ հին ժամանակներից սկսած՝ կար մի կամարակապ աղբյուր, որի անունով էլ գյուղը կոչվեց Կեմերեկ: Հենց այս գյուղում էլ սկսեց իր հեղափոխական աշխատանքը Ժիրայրը, ունենալով իր համախոհ՝ կեմերեկցի մտավորական Հակոբ Պահլավունուն: Նրանց աշխատանքի մասին գրքերից մեկում ասված է. «Ժիրայր և Պահլավունի տառապող և հարստահարվող գյուղացիներու մեջ երբեք խտրի չէին դնել: Հայ, ասորի, թուրք, բուրդ և չերքեզներ բոլորին ալ բարեկամ էին՝ և այս վերջիններն ալ իրենց կարգին՝ պաշտամունքով կը հետևեին այս առաքյալներու ազատաշունչ գաղափարներուն և փրկարար ցուցմունքներուն»²¹:

Հայ հայդուկների համար շատ կարևոր վայր էր Թելասից ոչ շատ հեռու գտնվող Տերեվանքը, որի վանահայր Դանիել վարժապետը Ժիրայրի ամենաջերմ համախոհներից էր և «գրեթե յուրաքանչյուր գյուղի մեջ կը հանդիպի Ժիրայրին և անկե կստանա հրահանգ և կազմակերպության մասին տեղեկություն և զանոնք կը փոխադրեն խումբերու պետերուն, երբ անոնք որպես «ուխտավորներ» վանք կայցելեին»²², 1892 թ. այդ վանքում Ժիրայրը հավաքեց հայդուկներին: Որոշվեց նրանց բաժանել երեք խմբի. դրանցից առաջինը գործելու էր Թորոս Մառուկյանի (Մեծ Զեյլո) գլխավորությամբ՝ Կեսարիայի շրջանում, երկրորդը՝ Միրիշանի ղեկավարությամբ Հալեպի, և երրորդը՝ քենիքմացենցի Վարդոյի գլխավորությամբ՝ Սեբաստիայի շրջանում: Նմանի ընդհանուր ղեկավարն էր Ժիրայրը, որը «մերթ ոստիկանի, մերթ քուրդ ցեղապետի, մերթ դերվիշի տարազներով, ծպտված, խումբերու պետերուն կը հաղորդեր այն բոլոր տեղեկությունները, որոնց պետք ու-

¹⁹ Նույն տեղում, էջ 51:

²⁰ Գ. Գալուստյան, Մարաջ Գերմանիկ և հերոս Զեյթուն, Նյու-Յորք, 1934, էջ 733, 4. Գալուստյան և Ն. Գաբրիկյան, Ազ-տաղի քառամյա գոյամարտը, Մարսիլ, 1932, էջ 13:

²¹ Կ. Գալուստյան և Ն. Գաբրիկյան, Ազ-տաղի քառամյա գոյամարտը, էջ 12:

²² Սիրվարդ, Թորոս Մառուկյան (Մեծ «Զեյլո»), Փրավիտենո, 1980, էջ 41:

նեին²³։ Այդ ժամանակներում Սեբաստիայի և Գաղատիայի շրջաններում կային հայդուկներ, որոնք իրենց անվանում էին «Զելլու»։ Նրանց խումբը սկզբում բաղկացած էր թուրքական իրականությունից դժգոհ լազերից և թուրքերից։ Խմբի ղեկավարն Ասադ Չուրլին էր, որի անունն աղավաղելով ժողովրդի մեջ ստացել էր Զելլու ձևը։ Խումբը սկզբից սկսեց սարսափի մեջ պահել ժողովրդին, սակայն երբ նրա մեջ թափանցեցին հայեր, հարվածն ուղղեց հարուստների ու թուրքական պաշտոնյաների դեմ և սկսեց իր ձեռք բերածը բաժանել աղքատներին։ Ժիրայրի խորհրդով խումբը թուրքերի ուշադրությունը հայերից հեռացնելու նպատակով իրեն անվանում էր Զելլու։ Մի հավաքի ժամանակ Ժիրայրն ասել է. «ասպատակներու նպատակը չէ միայն պատուհասել բռնակալները, այլ գլխավորապես նպաստելն է հեղափոխական գիտակցության, ինքնապաշտպանական ոգու զարգացման և արժարժման ժողովուրդին մեջ»²⁴։

Հետաքրքրական է Ժիրայրի նախաձեռնությամբ Յոզղատում կազմակերպված հավաքը, որի նախօրյակին նա իր ընկերներին ուղարկում է հետևյալ նամակը. «1893 հոկտեմբերի 29-ին, երեքշաբթի, ցերեկը եկեղեցիին զանգակները զարնել տալ և ժողովուրդը եկեղեցի հրավիրել։ Կառավարության կամ պաշտպաններու կողմից դիմադրություն ըլլալու պարագային՝ զենքով փոխադարձնել։ Ժողովրդի միջին ծերեր, կիներ և մանուկներ պետք է առաջանան դեպի կառավարչատուն և բողոք ներկայացնեն կառավարչին»²⁵։

Հավաքում կարդացված հուշագրում, որը կազմել էր Ժիրայրը, մերկացվում էին թուրքական ոստիկանների և հարկահանների անօրինակ կեղեքումները, որոնք անթիվ ու անհամար էին թուրքիայի գյուղերում։ Յոզղատում հավաքը տեղի ունեցավ նշված եկեղեցում։ Իմանալով այդ հավաքի մասին, այնտեղ է գալիս թուրք փաշան և ժողովրդին ցրելու նպատակով խոստանում է կատարել նրա պահանջները։ Սակայն հաջորդ օրը սկսվում են հարյուրավոր մարդկանց բանտարկությունները։

1905 թ., երբ հայ ժողովրդական հերոս Անդրանիկը ժնկում էր, ծանոթանում է բանաստեղծ Սիամանթոյի հետ, որը ներշնչվելով Արևմտյան Հայաստանում և մնացած վայրերում եղած հայդուկային շարժման մասին հերոսի պատմածներից, գրեց մի բանաստեղծություն, որի մեջ գովերգեց նաև Ժիրայրին և այլոց։

Ժիրայրի մասին գրվեցին բանաստեղծություններ, ողբերգություններ և շատ հողվածներ ու գրքեր։ 1908 թ. երիտթուրքերի հեղաշրջումից հետո Հմայակ Արամյանցը գրեց «Անմահ Ժիրայր կամ մեծ հեղափոխականը» ողբերգությունը, որը բեմադրվեց Կոստանդնուպոլսում՝ Վահրամ Փափազյանի դրամատիկական խմբի կողմից։ Ժամանակի մամուլում այդ ողբերգության ներկայացումների մասին տպվեցին հաղորդումներ, որոնցից մեկում ասված է. «Թատրոնը ծայրի ծայր լեցուն էր ամեն դասակարգի խուռն բազմությունը երկու սեռեն»²⁶։

Վերը նշված այդ ողբերգությունը 1913 թ. հուլիսի 6-ին բեմադրվեց նաև ԱՄՆ-ում՝ Ուստրում, Պիեսում Ժիրայրը հանդես է գալիս ոչ միայն հայերի, այլև «ամեն տանջվող մարդկության» թուրքերու, քուրդերու և համաերկրացիներու եղբայրական համակենցաղը կերտելու նպատակով, ազատությունը սևեռակետ ունենալով»²⁷։

Ամփոփենք։ Ժիրայրը հայ ազգային-ազատագրական շարժման այն գործիչներից է, որը ժողովրդի մեջ հեղափոխական աշխատանք էր տանում

²³ Նույն տեղում, էջ 47։

²⁴ Նույն տեղում, էջ 45։

²⁵ Պատմություն Ս. Դ. հեղափոխական կուսակցության, հ. Ա, էջ 101։

²⁶ Գոհակ, Կ. Պոլիս, 21. III. 1911, էջ 130։

²⁷ Նույն տեղում, 4. VIII. 1913, էջ 403—404։

հայկական իրականության մեջ ազգային կուսակցությունների ստեղծման սկզբնական տարիներին: Նա առաջադրել է ոչ միայն հայերի, այլև թուրքիստանում ապրող բոլոր ժողովուրդների ազատության հարցը: Իրավացի է Ջաֆուհի Գալեմբյարյանը, երբ ժիրայր և Մուրադ հղբայրների մասին գրում է. «Ջեմարիտ հայ կուրճերը կուռին հպարտությամբ, երբ կը կարդան ժիրայրի և Մուրադի, երկու հղբայրներու դյուցազնական ապրումները»²⁸,

ԱՐՄԵՆԻԱՆ-ՄԱՐՏԻՐՈՍ ՍՅԱՅԻԱՆ (ՋԻՐԱԻՐ)

А. М. ПОГОСЯН

Р е з ю м е

Жирайр является одним из видных представителей национально-освободительного движения. Начальное образование получил в родном Аджне, впоследствии учился в Константинополе. После учебы работал учителем в Аджне. Из-за своих свободолюбивых настроений и деятельности с этого времени он подвергался гонениям со стороны турецких властей. После этого он покинул Турцию и 14 лет прожил в России. По возвращении из России в 1889 г. Жирайр вел активную пропагандистскую работу не только среди армян, но и других угнетенных народов Османской Турции (таты, курды и др.), руководил гайдуцким движением. В основном действовал в районах Киликии и Себастии. Во имя спасения соотечественников от мести турецких карателей он добровольно сдался османским властям, повесившим его в Йозгате 24 марта 1894 г. Однако эта акция турецких палачей была бессильна приостановить народную борьбу: в Западной Армении в беспрецедентных масштабах развернулась освободительная борьба.

HARUTUNE-MARTIROSO SYAJIAN (ZHIRAIR).

POGHOSIAN A. M.

S u m m a r y

Zhirair is one of the distinguished representatives of the national liberation movement. He received elementary education in his native Hajin, subsequently he studied in Constantinople. After graduation he worked as a teacher in Hajin. Because of his freedom-loving frame of mind and activity beginning at this time he was subjected to persecution by the Turkish authorities. Later he left Turkey and lived in Russia for 14 years. Returning from Russia in 1889 Zhirair carried on active propaganda not only among Armenians but also among other oppressed peoples of the Ottoman Empire (Tats, Kurds and others). He led the haidook (guerrilla) movement. He mainly acted in the regions of Cilicia and Sebastia. So as to spare his countrymen the revenge of Turkish punishers he voluntarily surrendered to the Ottoman authorities that hanged him in Yozgat on the 24th of March, 1894. However, that action of the Turkish authorities was powerless to stop the popular fight; the guerrilla liberation movement propagated in West Armenia in unprecedented measures.

²⁸ Ջաֆուհի Գալեմբյարյան, Օրեր և դեմքեր, Երևան, 1965, էջ 221: